

Buot riikka suohkaniidda

Din čuj

Min čuj

Dáhton

16/6563

18.11.2016

Diedut doarjaga birra eaktodáhttoiguovddážiidda

Stuoradiggi lea mearridan ahte ovddasvástádus eaktodáhttoiguovddážiid doarjagiid ovddas sirdojuvvo suohkaniidda, gč. Evttoh. 333 S. (2014-2015). Dán geažil evttohuvvo 2017 juolludeapmi eaktodáhttoiguovddážiidda sirdot Kulturdepartemeantta bušehtas kap. 571:i Rámmadoarjagat suohkaniidda, poasta 60:i Ássiiddoarjagii. Juolludeapmi siskkilda ruðaid gealbohuksemii ja guovddážiid viidásetovddideapmái.

Dasa lassin lea Ráððehus evttohan lasihit juolludeami 20 milj. ruvnnuin. Dát vástida 47 000 ruvdnosaš lassáneami juohke guovddáži ja lea stuorámus lassáneapmi doarjagis goassege. Juolludeapmi siskkilda ruðaid gealbohuksemii ja guovddážiid viidásetovddideapmái. Oktiibuot juhkkovuvvo 151 milj. ruvdno eaktodáhttoiguovddážiidda rámmadoarjagis váseidin (tabealla C) gaskaboddosašáigodahkii njealji jagi badjel. Doarjja bajiduvvo njealji jagi áigodagas.

Kulturdepartemeanttas lea leamašan ovddasvástádus hálldašit doarjaga, ja Kulturdepartemeanta lea mearridan njuolggadusaid ortnegii. Stáhtalaš doarjaga sturrodaga iešguhtet guovddáži lea Kulturdepartemeanta mearridan dan rámma siskkobealde maid Stuoradiggi lea juolludan iešguhtet jagi. Eaktun vuostáiváldit maksimála doaibmadoarjaga lea leamašan ahte eaktodáhttoiguovddážiis lea beaivválaš jodiheaddji 100 proseantta virggis ja ahte guovddážiis lea leamašan 40 proseantta báikkálaš ruhtadeapmi. Stáhtalaš doarjaga heaittiheapmi iešguhtet guovddáži, mielddisbuktá ahte njuolggadusat eai jotkovuvvo.

2017 rájes šaddá iešguhtet suohkana duohkái mat vuostáiváldet sierra juhkkovuvvon ruðaid eaktodáhttoiguovddážiidda, nu gohčoduvvon C-tabealla bokte, láhčit dili ruðaid buori geavaheapmái.

Juolludeami ulbmil lea doarjut eaktodáhttoguovddážiid ásaheamiid ja doaimmaid. Eaktodáhttoguovddážiin galgá leat báikkálaš čanastupmi ja dat galget doaimmahuvvot báikkálaš eavttuid ja dárbbuid vuodul. Doaimmaide galget vuodđun eaktodáhtolaš áŋgiruššamat, doaimmat galget buvttihit sosiála deaivvadanbáikkiid ja láchit dili báikkálaš eaktodáhtolaš doaimmaide.

Ollislaš suohkanlaš ovddasvástádusain boahtá dilli leat láchčojuvvon viidásetovddidit eaktodáhttoguovddážiid báikkálaš vuoruhemiid mielde. Doarjaga sajusteapmi rámmadoarjagii geahpida suohkaniid hálldahuslaš barggu ohcamiiguin ja doarjjageavaheami raporteremiin. Suohkanat váldet maidái badjelasas doarjjaovddasvástádusa guovddážiidda maid suohkanat eai jođit. Kulturdepartemeanta bidjá vuodđun ahte suohkanat ain beroštit ahte sis leat buorit guovddážat alla doaibmadásiin ja ahte suohkanat háliidit joatkit iežaset áŋgiruššamiid eaktodáhttoguovddážiid ektui. Nugo mitaluvvon, de eaktodáhttoguovddážiin lea gáibiduvvon vel 2016 lohppii ahte sis galgá leat unnimus 40 báikkálaš ruhtadeapmi lassin stáhtalaš doarjagii.

2016 juohkin lea vuodđun dasa mii juhkkojuvvo suohkaniidda 2017:s. Mii bivdit iešguhtet suohkana raporteret man galle eaktodáhttoguovddáža suohkanis leat, mas ovdanboahtá leago suohkan álggahan dahje heaittihan eaktodáhttoguovddážiid gaskaboddosašáigodagas, nu ahte dan sáhtta meroštallat go boahttevaš jagiid juohká ruđaid.

Raporterenáigemearri: geassemánu 1. b. 2017

Vuodđonjuolggadussan lea ahte Kulturdepartemeanta boahtá muddet rámmadoarjaga siskkobealde vásedin juohkima (tabealla C) suohkaniidda raporterema mielde maid suohkanat addet eaktodáhttoguovddážiid ásaheamiid dahje heaittihemiid birra. Departemeanta ii boade váldit vuhtii dan jus juo álggahuvvon guovddážiin rievda virgeproseanta dahje doaibmadássi.

Dearvuodaiguin

Lars Audun Granly (e.f.)
ekspedišuvdnahoavda

Heidi Karlsen
ossodatdirektevra

Dokumeanta lea elektrovnnalaččat dohkkehuvvon ja danin das eai leat giehtačállojuvvon vuolláičállagat